

咸淳臨安志

二十七



咸淳臨安志

咸淳臨安志卷之七十



人物士

方外僧

慧靜

本姓邵餘杭人厲行精苦容止可觀顏延之歎曰荆山之玉唯靜是焉著文翰集十卷

大藏經高僧傳

慧基

本姓耦一作偶年十五宋文帝引見顧問勅於祇洹寺為設會出家車駕親臨幸

慧集

本姓錢於潛人著毗曇大義疏十萬言

法匱

本姓阮於潛人

淨度

宋釋餘杭人少遊獵嘗射孕鹿墮胎鹿母銜痛猶就地舐子因推弓折矢出家蔬食誦經三十餘萬言常屏處山澤

僧瑜

本姓周餘杭人以宋孝建二年六月三日滅度後十有四日房中生雙桐其徒以為娑羅寶木

因號雙桐沙門吳郡張辯為平南長史且為傳讚

僧翼

本餘杭人止廬山寺依慧遠修學

僧詮

宋餘杭方顯寺釋

道琳

梁富陽齊堅寺釋

僧旻

本姓孫富春人吳大帝其先也梁天監五年遊

二二七

辰洋臨安三卷二

二

尤册

上都天子禮接甚厚六年制注般若經齊文惠

帝竟陵王子良深相貴敬普通後隱居虎丘時

蕭昂出守吳興欲過山展禮旻曰吾山藪病人

無事見貴二千石昔戴顓隱居宋江夏王詣見

高卧不起吾雖德薄請附戴公矣竟遁去其年

皇太子遣通事舍人何思澄命致禮贈以几杖

鑪奩褥席塵尾拂扇等又為製墓志碑

續高僧傳

明徹

本姓夏錢塘人齊太傅蕭穎深相欽慕

法開

本姓俞餘杭人吏部尚書瑯琊王俊永嘉太守
吳興丘墟皆揖敬推賞後還餘杭止于西寺

惠明

本姓王杭人居蔣州山間值雪路塞七日不食
至荊州四望山見二虎爭鬪自往分解焉

曇超

靈隱山僧本姓張清河人齊建元末至錢塘靈
隱山會父晴禱祠無應超乃徒步至赤亭山遙
爲龍呪願說法至夕群龍化爲人形來詣超所
因乞三歸依超請降雨約以明日晡時及期大

雨

見高僧傳及
錢塘勝跡記

真觀

南天竺法師字聖遠錢塘人本姓范祖延蒸給
事黃門侍郎父允散騎常侍母任氏因禱佛有
姪及真觀誕育竒相不倫左掌仙文右掌人字
開皇十四年亢旱刺史劉景安請師講海龍王
經序既竟驟雨滂注自後有請隨禱而應縣西
有靈隱山仙靈所居峯吐蓮花洞藏龍穴真觀
與道安禪師頭陀石室檀越陳仲寶開山拓基
建立精舍號南天竺寺遂栖止終焉及文宣造

塔取決於觀乃指崔嵬高石為基鑿石果得洞
穴自然天成阜亭神姓陳氏降祝請師講法華
一遍遺以錢物又降祝捨其廟屋五間為衆善
佛殿大業中出天竺自標葬地未幾歎曰昔六
十二應終講法華力更延一紀今七十四生期
畢矣白衆而逝嘗作愁賦時人稱賞已上並大
藏經續高
僧傳有塔在東崗久廢
天禧中王欽若重修

道欽

徑山禪師唐大曆三年代宗詔至闕下親加瞻
禮賜號國一禪師正元八年示滅謚大覺禪師

蘇州崑山人姓朱開山住持徑山

蘇州崑山人姓朱開山住持徑山

見景德傳燈
錄刺史王顏

尚書職方員外郎丘丹撰塔銘崔元翰李吉甫
撰碑銘徐浩作真贊 崇寧五年追謚澄悟

圓修

烏窠道林禪師富陽人衣衲弊甚寒暑不更棲
止山間有鵲巢于其側經四十秋未嘗下山時
人謂之烏窠禪師元和中白居易出守茲郡入
山禮謁

會通

招賢禪師杭人本姓吳幼而聰敏唐德宗時為
六宮使後禮烏窠為僧至武宗時廢寺莫知其

終

齊安

鹽官禪師杭人本姓李生時神光照室後有異僧謂之曰建無勝幢使佛日回照者豈非汝乎遂無疾宴坐而逝勅謚悟空禪師

道標

唐律師富陽人姓秦護戒精嚴永泰中住持南天竺寺其徒多歸之嘗於飛來峯之南西嶺下葺茆為堂號西嶺草堂好作詩與吳興皎然會稽靈徹唱和時人有洞冰雪摩雲霄之譽長慶三年入滅世稱西嶺和尚

慧琳

唐大曆中僧字抱玉居天目山二十餘年元和初郡守杜陟請至永福寺登壇三年刺史裴常棣請至天竺登壇二十年間前後刺史杜陟裴常棣陸則揚憑盧元輔白居易李幼崔鄴路異凡九人皆造慧琳之室論心要

靈照

龍華禪師高麗國人錢王建龍華院命僧住持晉天福二年入滅壽七十八號真覺大師

咸寧縣志卷二十一 五 有

行修

南山法相院僧生有異相耳垂至肩號長耳相
禪師 崇寧二年賜號崇慧大師

幼璋

唐相國夏侯御書曰名之子十七為僧壽八十七終錢
尚父號志德大師天祐三年賜號瑞龍禪師

延壽

杭人號抱一子七歲誦經感群羊跪聽始為吏
一日棄其業出家著宗鏡錄一百二十卷日課
一百八事未嘗暫廢吳越王錢氏請住永明禪

寺

即淨慈寺

凡十五年聚徒幾二千人道播海外高

麗國王遣使齎書叙弟子禮奉金線織成袈裟
紫水晶數珠金澡罐等為獻 開寶八年入滅
號智覺禪師 崇寧中追謚宗照

志逢

餘杭人生惡葷血膏體香潔嘗夢升須彌山觀
三佛列坐初釋迦指示之曰此是補彌勒處獅
子月佛遂禮覺後因閱大藏經乃符所夢天福
中抵天台山雲居道場入普賢殿宴坐有神人
前跪膝師問為誰曰護戒神也師曰吾患有宿

愆汝知之否曰師有何非唯一小過耳凡折鉢
水亦施主物師每傾棄非所宜也言訖而隱師
自此洗鉢盡飲之因致脾疾十載方愈吳越王
號爲普覺大師住臨安功臣院至 雍熙二年
入滅

遇安

杭人 乾德中忠懿王錢氏命住北關傾心院
又召入居天龍寺至 開寶七年安僖王請居
光慶寺號善智禪師 淳化初示滅

慶祥

九曲禪師杭人本姓沈辯寸冠衆多聞強記天
台門下推爲傑出

行明

開化禪師杭人本姓干先住能仁後忠懿王錢
氏又建大和寺延請住持

太宗皇帝賜紫衣師號 咸平四年入滅

已上並景

德傳
燈傳

善昇

錢塘人本姓仲十歲出家 天禧中詔同注釋
御製法音集書畢賜號曰日觀大師兼深於琴

律 皇祐元年范文正公就天竺山見之一日
遣侍者告文正公而逝公爲作塔銘

法照

受業水心寺不妄交游與隱逋高僧智圓爲方
外友參政王化基丞相王欽若王隨皆深敬之
咸平中撰律鈔義苑說七卷丞相王隨撰塔銘
立碑于堯率寺 崇寧二年賜號法照大師

道誠

慧悟大師錢塘人居月輪山 天禧中撰釋氏
要覽三卷又注王渤所撰釋迦成道記丞相王

咸淳臨安志卷七十一

隨知杭州日有贈慧悟詩余弼題慧悟禪師上
方詩云孤峯牢落幾何年臺殿於今插半天已
是精藍誇絕徼更將寶塔在危巔煙霞色任陰
晴變鐘磬聲隨上下傳珍重老僧無別境一生
幽趣只山川

契嵩

屯田員外郎陳舜俞撰行業記云禪師字仲靈
自號潛子姓李慶曆中居錢塘後游京師開封
尹王仲儀上其所著釋書

仁宗覽之詔付傳法院編次仍賜明教師號蔡

襄知杭州延置禪日山 熙寧五年六月於靈
隱寺入寂以釋氏法茶毗而五根不壞世號其
塔曰五種不壞之塔

贊寧

受業于祥符寺學南山律兼通六籍史書莊老
百氏之學 太平興國三年十月贊寧奉阿育
王塔舍利歸朝見

太宗皇帝於滋福殿一日七召對賜號通慧大
師八年秋詔撰 大宋高僧傳三十卷 淳化
二年預史館集新書五年

真宗召對賜坐以爲右街僧錄三年遷左街
崇寧三年賜號通慧圓明大師王內翰元之與
詩有詔修僧史淞江濱萬卷書中老一身之句
寶達

晦跡靈隱山號刹刹法師有利利院院中有印
沙床照佛鑑善持祕呪時浙江潮水大溢以至
於激射湖上諸山寶達誦呪止之一夜有偉人
黑冠朱衣謂達曰吳伍負復求雪耻爾師慈心
爲物負已聞命矣言訖而滅自後潮水擊西興
而杭州漲沙數里

錢塘勝跡記

智圓

孤山法師錢塘人本姓徐字無外自號中庸子
神宇清明道韻凝粹妙年能屬文匪由師授有
命湖光文擬韓而作

詳見瑪瑤寶勝院

遵式

本姓葉字知白其母始乞靈於觀音遂生法師
學行孤高博習教觀因苦學嘔血兩足皮裂師
願力堅固以死自誓建下天竺寺著淨土懺法
金光明觀音諸本懺儀行於世故號慈雲懺主
天聖中滅度其日或見大星殞于靈鷲峯度弟

子百餘人學徒千數 崇寧二年賜號慧通天
台教觀益盛于吳越者實師之力侍郎王古述
其行事 紹興三十年 旨賜師號曰懺主禪
慧大法師塔名瑞光

思悟

本姓徐父居錢塘幼舍南新縣欣慈院出家既
受具宿習萌發好游講席信法兼進每誦呪身
出舍利所畫千手像誦千眼呪像亦如之今其
冢在觀堂前香林洞之左

元照

靈芝大智律師字湛如號安忍子錢塘人本姓唐母竺氏嘗夢異僧託孕幼居祥符寺東藏窮清淨毗尼之學參神悟大師處謙傳天台教觀謙拊其背曰毗尼之宗幾顛覆矣汝可以梁棟是道

宗本

淨慈圓照禪師字無詰本姓管熙寧初丞相鄭國富公得法於師之門人脩顯推尊師承由是聞譽日廣郡守陳襄請住淨慈山越數年

神宗皇帝命住相國寺慧林院召對延和殿

三冊三

咸寧臨安志卷七十

十一

必

賜茶諭以朕方欲大興禪宗宜善開導之旨繼入福寧殿說法詔許肩輿入見高麗王子僧統義來謁師問其所得以華嚴對師摘其微義示之茫然自失

善本

本開封人幼時母病割股肉以進疾隨愈力學進士於京師得華嚴經開卷悅然歷歷與心圓照禪師住杭之淨慈招師居上座別開講席助誘方來之士戶外之履滿矣圓照退居師繼之韓康公絳奏號法涌大師元祐中駙馬

都尉張厚禮奏請奉

詔住東京法雲寺蘇軾

作詩贈行

哲宗皇帝遣中使撫問降香及賜高麗磨衲號
大通禪師住持八年得請歸杭州 大觀二年
終賜號圓定葬于大慈山崇德院號定光塔

元淨

本姓徐字無象於潛人生而左肩肉起如袈裟
條八十一日乃滅及師之終實八十有一歲師
生十歲出家二十五賜紫衣及辯才號知杭州
呂溱請師住大悲寶閣居十年沈文通治杭命

住上天竺乃以教易禪師鑿山增室幾至萬礎
重樓傑閣冠於浙西學者數倍其故詔名其院
曰靈感觀音居十七年還於潛逾年復歸天竺
清獻公趙抃與師爲世外友贊之曰師去天竺
山空鬼哭天竺師歸道場光輝復留三年謝去
老於南山龍井之上與僧熙仲會食仲視師眉
間有光如熒遽起攬之得舍利自是常有於其
卧處得之者及其將化召常所往來僧道潛告
之曰吾西方業成尅期而逝門下侍郎蘇轍撰
碑翰林學士蘇軾書集賢校理歐陽棐書額

延壽

杭州興教小寺禪師初隨天台韶國師普請聞
墮薪而悟 天禧中王隨出鎮錢塘往候見去
騶從獨步登寢室壽方負暄毳衣自若語笑終
日而去 以林間錄修

修廣

錢塘人本姓王字叔微有智識度量讀五經知
大義頗喜為詩少羸多病學醫既成而有疾者
多歸之無貴賤貧富皆為之盡其術未嘗有所
厚薄尤貧者資之藥物衣食雖窮未嘗有所計

二十九

咸寧臨安志卷二十一

十三

必昌

惜故自京師至于四方自公卿至于學士大夫
多知其名而皆樂從之游師自九歲出家居明
慶院 景祐二年賜紫衣五年賜號寶月大師
熙寧元年十月卒其日會門人與往來學佛之
人告以將終沐浴易衣正坐而逝年六十一明

年門人為塔南豐曾鞏為之銘

以南豐文集修

文益

本姓魯餘杭人希覺師住育王文益往聽習旁
探儒典游文雅之場希覺師目為孔門之游夏
嘗參琛和尚琛問上座何往文益曰迤邐行脚

去曰行脚事如何文益曰不知曰不知最親切
文益豁然開悟後三住大道場諸方叢林咸遵
風化異域有慕其法者涉遠而至悟入者不可
勝紀周顯德五年謚大法眼禪師塔曰無相以傳

燈錄
修

道潛

於潛浮溪村人字參寥本姓何幼不茹葷以童
子誦法華經度爲比丘於內外典無所不窺能
文章尤喜爲詩秦少游與之有支許之契嘗有
臨平絕句云風蒲獵獵弄輕柔欲立蜻蜓不自

由五月臨平山下路藕花無數滿汀洲蘇軾一
見爲寫而刻諸石後過軾於彭城在座賦詩援
筆立成軾甚愛之以書告文同謂其詩句清絕
與林逋上下而通了道義見之令人蕭然軾謫
居齊安道潛不遠二千里相從留暮年遇移汝
海同游廬山復歸於潛山中軾有次韻道潛留
別詩軾守錢塘卜智果精舍居之入院分韻賦
詩軾云雲崖有淺井玉醴常半尋遂名參寥泉
可濯幽人襟又爲作參寥泉銘軾南遷道潛欲
轉海訪之軾以書戒止當路亦摺其詩語謂有

刺譏得罪返初服 建中靖國初曾肇在翰苑
言其非辜詔復祝髮蘇轍每稱其詩無一點踈
筍氣體製絕似儲光羲非近世詩僧比 崇寧
末歸老江湖既示寂其法孫法穎以其詩集行
於世道潛嘗賜號妙揔大師 以東坡詩集朱弁
聘游集及淳祐志

修

懷顯

西湖持淨大師 政和中撰錢塘勝跡記五卷
朝請大夫輕車都尉周邠爲之序引

慧勤

大正
小正

風澤臨安志卷七十一

十五

曹必魯

餘杭人歐陽文忠公有送僧慧勤詩云越俗僭
宮室傾貲事彫墻佛屋尤其侈耽耽擬侯王文
彩瑩丹漆四壁金焜煌上垂百寶蓋宴坐以方
床胡爲棄不居棲身客京坊辛勤營一室有類
燕巢梁南方精飲食筍笋鄙羔羊飯以玉粒粳
調之甘露漿一饌費千金百品羅成行晨興未
飯僧日昃不敢嘗乃茲隨北客枯栗充飢腸東
南地秀絕山水澄清光餘杭幾萬家日夕焚清
香煙霏四面起雲霧雜芬芳豈如車馬塵鬢髮
染成霜三者孰苦樂子奚勤四方乃云慕仁義

可以治膏肓有志誠可嘉及時宜自強人情重
懷土飛鳥思故鄉夜枕聞北雁歸心逐南檣歸
兮能來否送子以短章同時有惠思

惠思

王安石送惠思詩云綠淨堂前湖水綠歸時正
復有荷花花前若見餘杭姥爲道仙人憶酒家
今於潛西菩明智寺有惠思所爲浴堂記

惟尚

本姓曹鹽官人少苦腹疾百藥不治父母憐之
祈佛出家七歲禮慶善寺元辨爲師徧參叢林

咸淳臨安志卷二十一

十一

曹

得法於英普照勘辯於新黃龍退歸墓廬嘗住
壽聖禪院本雪峯結庵故地荆榛蛇虺莫敢居
師住八年初立殿廡爲之一新遂謝歸舊隱尋
住薦福以病復還舊廬而卒僧念其德葬于院
之西南張九成爲之作記

守璋

本姓王鹽官人天姿介特凜不可犯年七歲以
試經度爲僧戒行精潔尤工於詩號文慧禪師
有柿園集行于世 紹興二年

高宗皇帝幸圓覺寺因覩其集親洒宸翰書

其晚春一絕云草深煙景重林茂夕陽微不雨
花猶落無風絮自飛

德朋

本姓顧鹽官人守璋弟子也 紹興十八年入
徑山禮真歇了禪師夜宿山下真歇夢雙月入
寺詰朝舉以白衆頃之朋至心切異之相與問
荅機鋒峻密朝夕講論禪教者凡四年後因觀
爲溜以杵通竹節有聲豁然開悟其徒因號爲
竹筒和尚二十三年有 旨住崇先顯孝寺二
十五年兩 宣入 慈寧殿陞坐舉說般若

高廟奇之賜法衣給牒度其徒一人朋念璋年
高力丐退休兩載復得 旨住崇先又二年力
辭而歸 乾道三年無疾卒有澹堂竹筒和尚
語錄

清順

可父

石林葉夢得云錢塘西湖舊多好事僧往往喜
作詩其最知名者 熙寧間有清順可父二人
順字怡然父字逸老其徒稱順怡然父逸老所
居皆湖山勝處而清約介靜不妄與人交無大

故不至城士大夫多往就見時有饋之米者所
取不過數斗以瓶貯几上日取其三二合食之
雖蔬茹亦不常有故人尤重之同時有思聰者
亦似之而詩差優

宗杲

字曇晦本姓奚丞相張浚命主徑山法席學徒
一千七百人來者猶未已敝千僧閣以居之號
臨濟 中興張九成與爲方外交秦檜疑其議
已言者論其誅謗朝政動搖軍情九成唱之宗

杲和之 紹興十一年五月 詔毀僧牒編置

衡州二十年移海州四方衲子忘軀命往從之
二十五年 特恩許自便明年復僧伽梨奉朝
旨住阿育山逾年復居山

孝宗皇帝爲吳安郡王時遣內都監入山謁宗
杲述偈以獻及在 建邸復遣內知客供五百
應真請宗杲說法親書妙喜庵三字并製贊以
寵之三十二年求解院事得 旨退居明月堂
隆興改元八月示寂

孝宗聞而歎息詔以明月堂爲妙喜庵謚曰普
覺塔曰寶光宗杲嘗曰瞥起是病不續是藥不

怕念起惟恐覺遲佛者覺也爲其常覺故謂之
大覺然皆從凡夫中做出彼既丈夫我寧不爾
其接引方便類此宗杲雖林下人而義篤君親
談及時事憂形於色或至垂涕時名公鉅卿如
李邴汪藻呂本中曾開李光汪應辰趙令衿張
孝祥陳之茂皆委已咨叩而張浚雅相推重宗
杲有正法眼藏三卷又有武庫若干卷其徒纂
法語前後集三十卷浚爲序 淳熙初詔隨太

藏流行

以紹興正
論小傳修

孝感拾遺

陳藏器本草謂人肉可療羸耳不審所療而殘肌以進委巷之孝也若為士者效之則君子無取於是乎傳體始變而姑識其畧

何氏女子富陽義安人也母病與其幼弟誦佛祈安日夜不絕聲久猶不痊乃割肝為粥以進其母遂

瘳 嘉定壬申四月

盛立旺二子富陽江陰村人立旺之妻病甚長男割

肝次亦割股邑令程秘嘗作詩揭於其門 嘉定癸酉六月

葛小閏亦富陽人甫九歲習句讀母朱氏病炷香於

大正三十一 戊淳臨安志卷七十一 二十 曹

臂以禱神既又割股時程秘為令引使前齒實未

齒憐其幼小出於天性遂上其事於府 嘉定癸酉九月

朱應孫臨安縣醫士名源之子也其母久病乃割股

作糜以療未幾母瘳 咸淳丙寅五月

俞廷用子亞佛臨安邑人年十二母鍾氏病自三月

至于五月乃焚香割股母隨愈廷用與父大成皆

嘗割股至亞佛凡三世云 咸淳丁卯五月

陳茂祖居臨安錦北鄉父名德病久醫禱不療迄割

股而德病瘳長老言前此茂祖嘗割股以療其母

阿巖至是再見云 咸淳丁卯冬

龔婆兒臨安邑民文之子文病甚婆兒剔左股內肉
以進文乃瘳

咸淳戊辰三月

周阿二鹽官人母俞氏病與其弟小三各剗肝以療
又弟阿九通體鈎燈以禱俞氏有瘳

梅來兒昌化農家子母阿黃危篤乃齋月餘剗股以

進母至今無恙

咸淳戊辰十一月

咸淳臨安志卷之七十

咸淳臨安志卷之七十一

祠祀一

天子祭天地諸侯祭社稷大夫祭五祀上得以兼下下不得以僭上古之制也

列聖咸有一德克典神天自郊丘宗廟社稷與大中小祠之合乎古典者有常所矣十倫之義六祝之辭凡皆與斯民同其福祿長其孝敬措之於仁壽之域而羣祀之在畿內者若土域山海湖江之神若先賢往哲有道有德之祭若禦菑捍患以死勤事之族率皆錫之爵命被之寵光或歲時薦饗間遣有司行事

三十一

咸淳臨安志卷之七十一

一

王

所以徇夫人之所依考諸禮而弗悖其在郡國遵奉唯謹充類而達之可以存古可以從俗者悉得列焉祀于洛邑咸秩無文或以爲周公格君心萃天下之道嘻有旨哉叙祠祀

土神

城隍廟

舊在鳳凰山據國朝會要爲永固廟紹興九年移寶月山三十年勅曰錢塘爲郡尚矣自版圖歸于我家逾二百年維城與隍必有神主之況歲之豐凶時之水旱民之疾疫求焉而必應者哉

不知郡歷幾將而無一牘之奏以答神之休意者
聰明正直交感於幽顯之間固自有時也 朕今
駐蹕於此視之不異畿甸重侯美號用䟽不次之
封其歆其承永妥爾祀可特封保順通惠侯 乾
道六年以後累加封 咸淳八年改輔正康濟廣
德顯聖王

昭濟廟

在候潮門外渾水閘西舊傳為吳王夫差廟 淳
化五年守王化基建 乾道三年周安撫淙修

慶元六年賜廟額累封今為善應安濟孚佑顯衛

侯 淳祐九年趙安撫與憲重建

淳祐志序祠廟
謂舊志以夫差

為首祀乃與子胥並列遂疑其未必為夫差而實
諸江神諸祀次忠清之後竊所未安所至祠廟之
神其名氏往往皆出流傳孰從而訂其實今既傳
曰夫差即為子胥之君矣鬼神之事雖曰難言君
臣之義如之何其廢故今特以
吳王廟次城隍而忠清又次之

忠清廟

在吳山神伍氏名負楚大夫奢之子平王以讒殺
奢子胥奔吳言伐楚之利欲以報仇後十七年吳
與楚戰而勝遂入郢平王之子昭王奔隨又十年
吳伐越王闔廬傷而卒王夫差立立三年而入越
勾踐棲于會稽使大夫種行成於吳王許之子胥

諫不聽曰吳其爲沼乎後九年王伐齊越率其衆而朝子胥曰是豢吳也不如早從事焉又不聽子胥欲避吳禍私使人至齊屬其子於鮑氏曰王孫氏王聞之賜之屬鏤以死將死曰植吾墓櫛櫛可材也吳其亡乎後十二年越果滅吳史記云吳人憐之爲立祠於江上因命曰胥山唐元和十年刺史盧元輔修并作胥山銘唐景福二年封惠廣侯國朝載在祀典 雍熙二年四月 詔重建廟一
大中祥符五年 朝廷以海潮大溢衝激州城

詔本州每歲春秋醮祭學士院撰青詞

見

詔令門

其

年賜忠清廟額封英烈王九年以馬亮知杭州

詔問捍江之策亮至禱于祠下明日潮殺又出橫

沙數里堤岸乃成 政和六年加封威顯廟燬於

建炎兵火興於 紹興二十二年至三十年加封

忠壯 乾道五年十月周安撫滄重修 慶元五

年至 嘉定十七年累封爲忠武英烈威德顯聖

王 紹定四年廟再燬有 旨賜緡錢重建 嘉

熙三年趙安撫與權又易而新之廟前舊有星宿

閣至是閣成撫英衛二字以名

理宗皇帝親灑 宸翰賜焉 寶祐元年又燬二

年顏安撫頤仲又建移英衛閣於正殿之後 咸

淳四年五月積雨廊廡壞安撫潛說友重行修治

視舊增壯其封爵自 嘉熙至今累改為忠武英

烈顯聖安福王 有行祠在仁和縣治東南二十四里○按子胥始藉吳報楚而吳遂

勝楚終勸吳伐越而吳卒見滅於越非其計之有工拙其君之聽否異也傳之所載止於如此其本

末明甚而後人乃於其破楚入郢也為鞭尸藉館之說於其諫吳不聽而死也為浮尸於江激而為

潮之說竊意是皆戰國策士夸大其辭以緣飾其事如樂毅告燕昭王之類耳太史公既取而載之

史子雲又載之法言不為辨正遂使子胥生為僂及死君之臣沒為隨潮往來之鬼豈不大可恨乎

蓋終前漢之世左氏未大顯不得立於學官雖以二子博極羣書故亦無所折衷獨子長所謂吳人

憐之為立祠山上此則人心天理之不可泯沒者其說不可廢也故今所書止據左傳盡削舊志曰

仍之誤為子胥一洗若其他詩文則姑存其舊云

記文 王荆公安石撰予觀子胥出死亡逋竄之中以客寄之一身卒以說吳折不測之楚仇執

耻雪名震天下豈不壯哉及其危疑之際能自慷慨不顧萬死畢諫於所事此其志與夫自恕以偷

一時之利者異也孔子論古之士大夫若管夷吾臧武仲之屬苟志於善而有補於當世者咸不廢

也然則子胥之義又曷可少耶 康定二年余過所謂胥山者周行廟庭嘆吳亡千有餘年事之興

壞廢革者不可勝數獨子胥之祠不徙不絕何其盛也豈獨神之事吳之所興蓋亦子胥之節有以

動後世而愛尤在於吳也後九年樂安蔣公為杭使其州人力而新之臨川王安石與之銘曰烈烈

子胥發節窮逋遂為冊臣奮不圖軀諫合謀行隆隆之吳厥發不遂邑都俄墟以智死昏忠則有餘

胥山之巔殿屋渠渠千載之祠如祠之初孰作新之民勸而趨維忠肆懷維孝肆享我銘祠庭示後

不誣○碑土已久 嘉熙四 又記 廟王安國撰胥山年守趙開府與權重 入石 又記 廟王安國撰胥山

蓋已千有餘年至于今天子命祀而吏之歲時

祈祝未嘗懈也嘉祐七年長興沈公作藩于杭

政已大成下畏以愛既而雨暘或愆躬禱于廟仍

歲大熟於是邦人皆以為神之賜也乃相與告於

公曰願治廟屋以妥神靈公既樂詔教之施能媚

于民而又嘉民之不忘神惠而思為報也故聽之

八年六月廟成公遂祭享羞雅嗟歎咸願刻石以

詩顯之而使人來請辭於臨川王安國乃作辭曰

維此句吳泰伯肇居其後絲絲享有邑都闔廬夫

差力欲圖霸有臣子胥材實剛者報楚入郢遂棲

越君使國為雄我志獲伸彼何宰嚭冒貨姦究我

債于忠國亦隨毀武林之墟胥山之岡立廟以祀

民思不忘既歷年久報事不懈以迄于今帝遣祈

拜公作邦伯實治廟民每祝必誠獲應于神卒是

逾歲風雨順節謂非神休有或菑孽人乃告公廟

屋將傾願易而新不戒遽成嚴嚴之堂有翼其無

憑附之威觀者俯僂眾曰訖事公即大祭賓贊肅

虔鼓簫喧沸豕羊具肥桂酒香醇神顧享之醉飽

欣欣眾願具石刻載厥英衛閣記守趙開府與權

大邑七五二 咸淳縣志卷七十一 五

建吳山忠清廟閣名今上皇帝親灑宸翰以

賜者也初山有星宿閣直廟之前堪輿家指為龍

首紹定辛卯燬其後廟雖新而閣不復嘉熙

己亥夏六月與權被命再尹京時水失故道湍激

波蕩無虛日沙若而培岸若墜而隕曩時潮所

不及地遇大汎彌望七八十里間潰為洪流月塘

真如號古刹亦宛在水中汴僉謂此天災難以人

力勝日長月益為害滋蔓因就付以隄築事固辭

弗俞用欽承休命程土石計徒庸具畚鍤興工役

于朝得旨新作臺門仍建傑閣棟梁峇堯丹

青輝煥爰肖神像巍然中居侍衛旁立冠佩陸離

羣山四環大江前繞川祇波后罔不怙受聽命閣

甫就而水陸寺前之垣亦不日而戎脫蛟龍垂涎

之淵為軍民奠枕之地匪人之謀皆神賜也既又

撫英衛二字以名之又奏乞奎畫以賁之於是

斯閣偉然冠山椒而特立鎮江濤而不驚顧前之

為閣者大有逕庭矣私竊自念神之威靈在天其

行事在史其愛在民其功在後世奚以記為然有

司職在推廣皇帝答揚神貺之意其可以無述

乃為之言曰天地正大剛烈之氣鍾而為人其生也家則為孝子國則為忠臣其歿也上則為星辰下則職江海所謂越宇宙而挺生亘古今而長存者神蓋其人也神不忍宰詬信越之浮辭誘於伐齊之利而忘其玩吳於掌股之上也遂以懇懇之忠極諫於王而不諱屬鏤之賜甘心如飴其為言曰自我死後後世必以我為忠上配夏商之臣與龍逢比干為友遂伏劍以死每讀吳越春秋至此未嘗不感憤涕落也於嗚士大夫出身事主患不明國之安危與主之榮辱爾知之明則竭力而為盡忠以告視死生禍福與鴻毛等逮其以言觸咎身膏鈇鉞而其眷眷念國猶不忍替亦以忠義之心知國重於身爾充此志也雖去之千百世之下其英靈衛國凜凜猶生若神者所謂鍾天地正大剛烈之氣者非耶按史記吳人憐之為立祠江上則神之祀於吳蓋有年于茲其英風義氣與江濤俱壯其全名巨節與吳山俱高至其加愛吳人則千載猶一日越漢歷唐以至于我本朝廟祀之典有崇無墜自六飛駐蹕錢唐以江為重江之神以忠清廟為重故祀尤加嚴而闕典尚多先是

神之父國號以楚兄以鄭故老口相傳莫之經見而母嫂妃猶未錫嘉號遂具疏以聞下奉常褒封追爵父籙烈侯以母嘉應夫人配兄昭順侯以嫂惠淑夫人配悉像于廟之東房總曰王父之殿尊也妃曰協靖夫人新命也大中祥符間著為令每歲春秋由翰苑降詞命羽流祈福率即殿齋表曰延真且俾天明宮道士葉揆辰領廟之管鑰而灑掃之國家崇奉廟祀之典至是乃克告備閣經始於是年之七月落成於十有一月殿及延真相繼竣役則歲庚子四月也皆廟鉅事宜牽聯特書凡役工三萬五千有奇為屋六十有七楹云題詠曹既明胥山廟詩貫弓執矢一亡臣未洗昭人致君豈謂初無術賣國由來別有因文種墓空山脅冷怒潮朝夕怨江濱間關欲雪父兄讎底用平生錫蓋侯冤骨未沉吳月曉征蒐初返楚雲秋西施正倚承恩貌范蠡將移去國舟尚向松陵親卻敵藁砧依舊在層樓堂堂武烈與文英引劍呼天氣未平身後端知司禍福生前直欲就功

名胥山未盡吳儂意郢水猶傷楚客情
井屋滿前靈宇壯長江千古帶高情

吳越錢武肅王廟

在錢湖門外方家峪寶藏寺之左錢氏五王皆祠

焉前有豐碑螭首龜跌極高大鏵已駁蝕然細捫之若未嘗刻字者今在陳寺房廊之墻陰山後

有井頗大欄甃甚古名烏龍井土人至今名此地為錢王大廟云

吳越錢文穆王廟

吳越備史云天福七年十二月以龍山武功堂為

文穆王廟

山川諸神

平濟廟

太平丹五九九

咸淳臨安志卷十七

七

三

在浙江廟子灣 乾道初周安撫淙以 上旨修

築江岸遂建廟 詔賜額曰平濟 慶元四年封

助順侯累封至 咸淳三年為顯烈廣順王廟嘗

頽圯 端平三年俞存義孫應辰捐金倡率撤而

新之視前增壯

順濟廟

國朝會要云浙江里民馮氏祠 紹興三十年

賜順濟廟額 慶元庚申封靈佑公 紹定間重

建廟封英烈王 嘉定十七年封次子為助寧侯

紹定六年加助靈佐順侯

記文

嘉泰二年兩浙路轉運司主管帳司李長民撰浙江之潮蓋天地間壯偉絕特之觀其江

自南蕩之灣距海門百餘里水浩渺無際殆天造是險以示東南形勢自乘輿駐蹕城郭宮闕日

以壯麗為四方之極山川之神莫不奔走以佑我王室其浙江有若順濟廟馮公揭靈茲土功效尤

炳炳著見享有寵命也固宜廼者慶元庚申崇陵復土朝廷致禱于神又命兩浙轉運副使

沈公作賓更新祠宇以祈陰助霽霧頓收晴景晏温水恠伏藏波平如席益彰神感應之速不啻抱

鼓讞有詔冊神自侯爵為靈佑公而漕司寔命其屬梁大亮李長民相與即故祠規度之仍俾長

民獨眡其役既增治庭壇改作門觀兩序肆施藻繪于塑像經始以是年十月晦越月廿有二日訖

功村植工役總之糜錢三百萬有奇方告成長民周眡祠宇慨然獨念疇昔曾未有紀迷而公之孫

崇之進之亦以為言於私願因今命磨片石以登載神之威德乃即崇之進之所錄行實質以都

人所傳聞而次第之謹按公姓馮諱俊字德明世錢塘人生於熙寧甲寅六月十四日娶郭氏生

三子天資剛直幼孤事母孝年十有八夢帝遣神易其肺腑云將有徽命且寤曾懷豁然開明生不

習文藝至是於書傳大義以及字畫驟皆通曉有扣以禍福莫不前知足未嘗履闕人或遇之江海

上元祐年中一日有舟渡江值大風濤分必死公即現形其間自言名氏叱咤之頃駭浪怙息又

嘗就寢竟日乃寤家眡其嘔吐皆海錯異物恠而問之則云適宴於龍官大觀三年十一月己未

忽語人上帝命司江濤事不得辭越三日不疾而終年三十有六先期旬日於清水閘所居西偏自

營兆域既歿靈異尤夥人即所居祠之而次子松年亦以濟人拯物著靈遠近今二孫則幼子椿年

所生於是子孫世奉廟事不惟商賈舟船之所依怙而環王畿千里之內水旱有扣亟蒙丕答浙江

之中流有沙磧能為舟害自顯仁太后及朝衣冠之藏俱在禹會發引之日有司致禱其沙

即以妥神靈其績效彰灼賜爵受封則具有興以來朝廷錫命在惟昔蘇文忠公軾於穎上張龍公祠碑叙述為詳銘詩首言至人變化不私

盛澤臨安志卷二十一 八

其躬地行爲人天飛爲龍長民竊誦其語載考行實愧無斯筆爲神形容姑識其槩庶來者有考豈特尉其子孫之志云爾

英顯通應公廟

在廟子頭 寶祐元年江潮衝齧神顯靈跡塘岸堵安二年十二月加封英顯通應公

湯村龍王堂

政和二年湯村沙岸爲潮水所衝州縣立龍王祠以禱之六年奏請增廣廟祠詳具順濟宮

善順廟

在白塔嶺舊傳民間建小祠保舟楫往來號平波

李九小全

咸淳臨安志卷七十七

九

三

神祠 嘉定十七年易祠爲廟 咸淳元年 詔

賜善順爲額

昭應廟

在白塔嶺 紹興間建舊傳錢塘順濟龍王 咸淳元年 詔賜昭應廟爲額

孚應廟

在磨刀坑龍山渡 乾道三年九月建舊傳水府龍王 咸淳元年 詔賜孚應廟

廣順廟

在龍山舊傳鎮江龍王小祠 咸淳元年 詔賜

廣順廟為額

惠順廟

在江塘 嘉定五年二月江潮衝齧石塘帥漕建廟以禱 咸淳二年 旨賜惠順廟為額四年七月

壽和聖福皇太后降錢重建

順濟龍王廟

在湯村鎮 政和五年郡守李偃以湯村巖門白石等處江潮侵齧奏請同兩浙運使劉旣濟措置用石版砌岸因建廟 紹興十四年重修累封靈

卷三十五小里三

咸淳臨安志卷七十七

十

王

應昭應嘉應三王

嘉澤廟

舊在錢塘門外二里號錢塘湖龍君錢氏表請封廣潤龍王

國朝累封為淵靈溥濟侯廟始梁大同中 乾道五年周安撫淙以禱雨應重建 淳祐八年趙安撫與憲又建且亭其前之井扁曰寒泉 寶祐間馬安撫光祖更創 咸淳五年安撫潛說友又葺而新之

記文

吳越王建廟碑蓋聞四靈表瑞則龍神功濟於生民百穀熟成則水旱事關於陰陽而況

浙陽重鎮是古吳都襟帶溪湖接連江海賦輿甚廣田畝至多須資灌溉之功用泰耕桑之業錢塘湖者西臨靈隱東枕府城澄千頃之波瀾承諸山之源派梁大同中胡子嘗置唐咸通年刺史崔彥曾重修鑿石為門蒸沙起岸自予翊扶聖運移建節旄舊日湖隄盡改為城宇澄渟有同於鏡水濟時每及於生靈一郭軍民盡承亢陽之失度其中漢泓迂長居一丈之深淫不竭亢陽之失度其中菰蓮鬱茂水族孳繁蒸黎寔賴以收漁河道常資於灌注壯金城之一面不異湯池潤綠野之萬家常如甘澤固有神龍居止水府司存降景祐於生靈興旱涸之風雨原其自編祀典積有歲年雖陳奠酌之規未施展敬之所況錢塘湖龍君與洞庭龍君青草龍君鴈行之序各通天波風雲歲歲之去來陰陽長施於萬派古之典籍曾靡記焉日月滋深元無祠廟蓋為古來藩侯牧守不能建立殿堂予統吳越山河縮天下兵柄前後累申祈禱皆致感通既荷陰功合崇祠宇昨乃持於湖際選定基坳剏興土木之功建立藥櫃之龕至於殿庭廊廡門檻階墀悉親起規模指揮擘劃俱臻壯麗以稱精巖然後填選良工塑裝神像威容赫奕冠劍森森陳將僚侍衛之儀列鐘鼓亘籩之位以至車輦僕馬帳幄盤延祭器爨厨無不臻備馨香薦獻不闕四時況鏡水清流煙波浩渺其湖周百餘里源派數千餘川濟物於人功能及眾亦無龍君之廟貌予遂與錢塘龍君一時建立殿堂同表奏聞乞加懿號果蒙天澤並降徽章其所奉救旨具錄如後救錢塘重地會稽名邦垂古今不朽之基繫生聚無疆之福有茲舊蹟特剏新規豈曰神謀實因心匠蓋水土授天之職庇民之功歲時罔闕於牲牢祈禱必觀於肱嚮得一方之義化致兩境之安康錢鏐普扇仁風父施異政至誠所切遂致感通其錢塘湖龍王廟宜賜號廣潤龍王鏡湖龍王廟宜賜號贊禹龍王牒至准勅旨若夫人唯神贊神實人依信冥陽共理之言乃幽顯相須之義今者式嚴廟貌永受烝嘗四時之殷薦不虧萬姓之禱祠無闕神其受大朝之寵千古之輝常鎮具邦預銷災沴必使原田肥沃克昌廣潤之名穀稼豐登更表土龍之德今則嚴裡已立邃宇咸周聊記歲年刻於琬琰後來觀者其鑒之哉時正明二

年歲丙子正月丙辰朔十五日庚午建立天下兵馬都元帥淮南鎮海鎮東等軍節度使尚父守尚書令吳越王鏐。凡闕字皆磨滅不可認

水仙王廟

在西湖第三橋北 寶慶乙酉袁安撫韶建自為

記今在崇真道院

記文 予自承乏內史兩暘禱禱數詣所云水仙王廟者廟有壇壝間于是斬牲瀝酒以起龍螯

穹碑植宇下龜跌隆然摩挲刻文則吳越錢武肅所著其額曰錢唐廣潤龍王廟東偏有堂列三賢

像乾道中郡太守周君宗建退而質諸臨安志成周君手且言廣潤龍君祠即水仙王廟按錢唐水

仙王事始見於蘇文忠公詩公詩石本今存自書其左方曰今西湖有水仙王廟仙之廟于湖公出

守時蓋無恙後莫知廟所在 六龍南渡杭為帝所絡孤山築殊庭得不發者惟和靖墓他皆一掃

咸淳臨安志卷七十一 三

刮絕去荒基老屋漫不見蹤跡廟之廢未必不於此故趙君夔注蘇公詩攷驗無所得乃序夢中語

謾以茫昧使龍君之祠是趙復奚所疑哉彼龍君祠與普安佛廬鄰距葛嶺占北巖之阿視湖邈焉

牽聯遷就因附祀三賢而祝號以訛好事者又從而并其旁名薦菴以即蘇公句贅矣予既更三賢

祠而水仙廟未有所釐正於是廢酒壚荆焉地據湖隄右湖光拍隄平挹千頃仙峩冠珮玉乘風載

雲方羊於水月倒影之中仙有靈宜不宜耶昔湘旁黃陵有廟自秦漢迄晉釋辭亂真王逸以為湘

君者自其水神而湘夫人乃舜二妃郭璞則又以為天帝二女至昌黎韓公始正娥皇為湘君而湘

夫人則女英也異哉水仙之事果相似乎嗟乎自蘇公去杭今百三十有七年水仙有廟名存實亡

予何人乃適有感是孰使之然耶或曰事廢興存乎數其又信然耶廟經始於寶慶乙酉冬明年

春落成因記其所以又作楚語以展仙之靈其辭曰桂水闊兮仙宮今何為兮山之中心卷時俗兮改

錯寄嘉名兮土龍卜中洲兮芷閭仙歸兮故居旂夫容兮蘭柁詔馮夷兮先驅杜蘅紛兮旅庭酌寒

泉兮秋英福帝郊兮
塵清終萬古兮揚靈

會靈廟

在涌金門外即柳洲五龍王廟中燬寓惠明寺

慶元六年禱雨應 賜廟額曰會靈王安撫補之

買地寺旁未鳩工而去 開禧元年趙安撫師弄

淳祐七年趙安撫與憲先後創建 咸淳五年安

撫潛說友又更新之

記文

李直院壁撰先王之世神人異方不相參混
俗無妖淫民用乂安故曰以道莅天下者其
鬼不神夫聖人謹於幽明之分也如此然而民事
之所關祈報禳禱苟可以措吾力者則又靡不極
其至焉社稷山川日月風雨寒暑水旱先嗇司嗇
下至表畷防庸貓虎之屬莫不有祀大抵皆民事

咸淳臨安志卷七十一 十三

也後之有國者所以敷政流化調和陰陽銷伏災

疹之具雖未必如古然而祭祀之禮為民而設無

大廢闕甚者一遇涔旱之變則人鬼之祠老佛之

宮與夫神龍之所宅有司奔走用事罔敢弗虔此

雖非先王之故而其皇皇為民之意猶可見也錢

塘今為駐蹕之地 天子在上萬神效職而西湖

柳洲有所謂五龍王祀者吐靈垂貺其徠最久兩

曷致禱無有差忒載之祀典紀之圖經可攷不誣

曩更兵火祠失其所寓諸柳洲慧明寺 慶元六

年十一月有旨賜廟名曰會靈京兆尹王君去今
王君補之買地寺旁規以立祠祠未立王君去今
戶部尚書趙公師弄繼之慨然歎曰此民事吾事
也其可遂已掄材選工命通判府事鄭擢東南第
三將劉公傑寔董司之踰兩月告成堂宇蠲飭像
設尊嚴都人聳瞻神意昭答時 開禧元年六月
十九日先是五月旁死魄公以雨禱立應已而父
老狀言既雨之三日湖山晝冥有二物如大木乘
風揚波直湖心而東蜿蜒柳洲芟蒲間視之乃黃
黑蛇二長可四五丈是日復有蛇見祠所雷兩大
作兼旬日廼止歲以有秋嘻亦異矣公言諸朝

乞加神封號 制曰可則言 壁曰祠吾立之子記
之余惟鬼神之道君子所難言今夫能隱能顯者
龍能雲能雨者龍龍之為物靈矣昭然而應幡然
而作其龍之所自為邪抑固有主之者邪謂龍之
所自為則像貌之立命秩之加非所施於龍也謂
有主之者存則封爵之書所謂五龍之神皆龍也
非有主之者也若是者余皆不得而知至於曰兩
而兩曰賜而賜民事之所關國典之所載雖千萬
年敬事無斁是則余之所知也公才邁倫所至治
有異等再為京兆尹名與漢趙張埒初公為揚州
嘗建龍祠九曲池 天子錫廟名進王號視今舉
適相似然君子謂公可謂知所敬矣其事神也周
可謂知所愛矣其為
民也切李壁記并書

龍井惠濟廟

在風篁嶺上 紹興十八年賜廟額累封為嘉應

廣濟孚惠王 咸淳五年安撫潛說友更創祠宇

咸淳五年

咸淳臨安志卷七十一

十四

王寺

旁有德威亭

即舊龍井亭 東坡書扁

南高峯龍王祠

在榮國寺後鉢盂潭累封為孚應昭順侯廟廢已

久 咸淳五年七月安撫潛說友以久晴禱潭上

覺微雨沾衣頃之甘澍如傾廼即故址為創廟以

答靈貺

玉泉龍王廟

在淨空院 嘉泰初賜廟額曰靈泉 嘉定初改

仁惠 嘉熙四年又改神運 淳祐八年趙安撫

與憲重建廟 咸淳三年 太傅平章賈魏公又

捐錢葺而新之神始封嘉應公後加曰溥澤詳見玉泉

及淨空院

咸淳臨安志卷之七十一

咸淳臨安志卷之七十二

祠祀二

節義

旌忠廟

在豐樂橋俗曰三聖廟按神一姓高名永能綏州

人一姓景名思誼晉州人一姓程名博古河南府

人程氏子孫今有居饒州者元豐五年同為統軍力戰于銀川

挺身抗虜以沒始廟食于鳳翔府和尚原 宣和

間方臘寇睦討捕者禱于神凱還奏聞始封侯

中興初屢以助順討賊功賜廟曰旌忠加封六字

大正卅一
フ六三

咸淳臨安志卷七十二

成

王 嘉泰初以平潮著靈加至八字一曰忠烈靈

應孚澤昭祐一曰忠顯昭應孚濟廣祐一曰忠惠

順應孚祐善利廟舊在清冷橋北 紹興十九年

揚殿帥存中請以旌忠賜為觀額後因 德壽宮

開拓徙建今處即覺苑寺廢址也自 嘉泰辛酉

至 淳祐壬子觀凡三燬惟廟巋然獨存

記文 黃尚書由撰建觀記旌忠觀者為 元豐三

忠臣作也 皇朝承命稽古誦經凡 施德於

民禦災捍患死則祀之 示褒也 鳳翔故有廟今移

于 行在所謹按 高宗會要杭之廟食隸祠官

者凡十三而四在畿內曰忠清祚德神應通惠而

旌忠不與豈闕文哉鈞考圖牒三神之祠 紹興

壬子則為廟已巳則為觀其事倡於循王張俊其

費成於和王揚存中此建置之本末也三神世系

難費穰廢絲是奮力先斥厥儲初得太師韓王請于朝賜內帑錢五百萬已而循和二王復與巨室之所向慕者益以金幣佐其役始事於是年之夏歷三歲而克就總為屋四百楹魏殿脩廊臺閣傑閣雲齋琳館下至於庖湏畢具土木之費為錢七千萬有奇規模視前益侈觀成有訪古者曰祀有廟自夏始也道有觀自唐始也合廟於觀孰為始乎嘗攷熙寧中吳越不祀守杭趙抃特為之請乃以龍山祠為觀而賜名表忠此廟為觀之由也然歸觀之義與勤王不同備恪之功與死事自異彼祠宇蕪穢猶加修輯矧而潛德容可後乎今六合承平百神受職戶口蕃庶海嶽晏清念褒德報功固已無違於禮而默贊陰佑則惟爾有神雖日尊嚴既見顯異宜有文字以昭無窮故為紀其顛末而繫之以銘銘曰莫愛於生生或可棄莫畏於死死或莫避倚歟三神凜然同志勗力守城膏身夷裔沈沈英爽與生不二騰相循和遏攘寇懟大勲既集靈應益異迺修王封以崇廟祀比更鬱收莽為牧地憑乃陰威作其圮墜莪莪新宮隆隆曩制有雕其楠有瓌其麗春秋奉嘗中外瞻跂詔

少字大四
三五二

咸淳臨安志卷七十二

三

成

爾銘詩于
千百世

靈衛廟

在錢塘門側 建炎三年十二月乙酉元顏宗弼

犯境守臣康允之退保赭山錢塘縣令朱蹕率民

兵逆戰傷甚猶叱左右負以擊賊己丑遂遇害時

尉曹十將金勝祝威亦以力戰歿鄉民塵二人于

錢塘門外因為立祠其後祠者相踵曰古柳林曰

澄寂寺後曰精進寺側皆嚴奉惟謹 淳祐十年

賜廟額曰靈衛 景定二年洪安撫燾為請封爵

詔侯二神曰忠佐忠佑 咸淳四年漕使又以士

州圍圯用命戰歿 旨贈容州觀察使建廟海州
其後又 詔別建廟於臨安府行春橋本寨之側
昭節廟

在保民坊廟巷東三班按二神一姓喬名亢字伯
仁一姓陸名軌字仲模其先襄漢人同為殿侍在
周曰東第三班初

藝祖皇帝受禪 聖駕自宣祐門入守者拒弗納
乃自移門入既受朝賀顧近侍問適移門守者為
誰奏曰散直班 旨降充下班又問宣祐守者曰
東第三班即令宣引時本班之眾知天命有歸皆

三

咸淳臨安志卷七十一

五

引義自隕 上大驚趣駕親幸命侍衛馬步軍排
陣使党彥進將數十人往救得不死者二人即喬
陸也召見詰其故曰臣止事一主所以乞死 上
慰勞再三曰汝等皆忠孝遂仍其班不廢且賜名
長入祗候從其請 駕所幸為前引仍以青紅二
色帛為帽飾滿二年授保義郎二神既受 旨各
復自盡 上憫之厚加贈卹聽本班廟祀 南渡
初吳山居民不戒于火殿帥楊存中觀緋綠二旗
現空中上書喬陸二字火浸息人益神之
孝宗皇帝嘗宣問本班宿房以黃羅襪門限何所

始左右備奏其故 上嘉歎焉 寶祐乙卯有

旨賜廟額曰昭節自 景定庚申迄甲子凡三加

封今喬為忠義威福英惠陸為忠烈威德英祐皆

侯爵

記文 天下之忠一也事人而忠於人則事我也必

者此武王之所以釋箕子而漢高帝之所以戮丁

公也金百死而不變水萬折而東流臣事君以忠

夷險一節要不過盡其職分所當然耳在人欲其

納我而能拒我在我欲其拒人安得不旌其拒我

者乎旌其拒我我正將以教天下之忠也孝己愛其

親天下欲以為子君獨不願得忠臣耶我 藝祖

皇帝神聖慈武膺受天命於時東班殿侍守職有

嚴帝心嘉之既踐位召至慰拊皆不敢自全其生

所存惟喬與陸受誓而退尋亦效死當華夏蠻貊

罔不率俾之時而獨不食周粟視倉卒出制書於

袖中者其為人相去何如也忿疾異己人之常情

我 藝祖方且旌忠顯節濬錫激稱至名其班曰

長入祗候蓋將使熊羆之士不二心之臣視我表

勵皆知舍生取義之為忠抑以侍御僕從不可一

日而無正人也聖人絕識偉度固非常情所可測

識不寧惟是韓通臨難不苟厚葬而贈之中書令

咸傳臨安志卷七十二 六 成

帝命來前爾曹折箭為誓加寵褒退即效死懷

卷

門四楹過者肅然起敬曰孰人我民惟侯之功孰
旌侯忠維我魏公維侯之靈永食茲土乃被石
以紀尚俾來世知廟所始用敬事于侯德與
無極侯岳氏錢塘人其忠烈事在臨安志中越
年春正月
望日記

仕賢

靈惠廟

在城北江漲橋鎮界舊志神姓陳名項字行嵩會
稽人仕東晉嘗使羈留三年伏節不屈拔劍斫
臂復命于朝歷青揚荆廣四州刺史食邑錢塘海
鹽鹽官三縣葬於臯亭山因廟焉廟記云梁大同
二年封興善王又改封崇善國朝紹興十九

咸淳臨安志卷七十二

八

戊

年賜靈惠廟為額慶元六年以禱雨驗封福順

侯累封至嘉熙四年為慈祐公又累至淳祐

十二年為慈佑福善昭應公寶祐六年遂列王

爵又有行祠在江漲橋鎮及董家巷

記文皇帝駐蹕于臨安之十有二年冬臨安府耆

祠自隋以來事之至今不絕旱乾水溢有禱必應

郡民事無鉅細皆請於神應若影響朝廷歲時

降香祈請不異他祠而封爵無加廟額未立蓋闕

典也有司以聞明年秋詔用奉常議以靈惠名

其廟遠近鼓舞願刻諸石後大神休以昭天子
之寵命寺僧行蘊以其記來請其不得辭謹按神
姓陳氏諱某字行嵩會稽人也事東晉歷青揚荆
廣四州刺史以武功食錢塘海鹽鹽官三邑見於
李宗諤之圖經者如此梁大同二年勅封興善王
後改封崇善王而失其時代歲月見於桑衍之圖

經者如此隋僧真觀講於眾安寺夜夢神求受淨
戒仍舍廟屋五間為佛殿見於高僧傳者又如此
爾後遂寢血食專供伊蒲塞饌見於白居易之祝
辭者又如如此神嘗使虜留三年乃斷左臂求還遂
以胡服報命居喪哀毀過制既卒人嘉其忠且孝
立廟於阜亭山之西南而祠之聞於耆舊之傳者
如此神既事僧真觀願護伽藍始建廟寺中惟化
度寺在唐為重雲更曰承雲本朝皇祐中始改
今名疑即隋之眾安寺也聞於耆舊之傳者又如
此考之禮經聖人之制祭祀非有功德烈於民者不
在祀典而神生則勤於國死則為國家民物禦捍
災患其功烈宜祭祀故當與盡毀淫祀之際
獨以眾請廟得賜額載在祀典與百神受職嗚呼
天子之所所以愛民而禮神者至矣神之所以承
天子之寵命而福斯民者宜如何哉抑嘗聞漢朱
邑故為桐鄉吏其民愛之死葬桐鄉西郭外民共
為立祠歲時祠祭夫邑特縣小吏民且不忘況神
有武功忠孝昭著宜其舉邑祠之至四十餘所又
聞蜀將關羽廟食玉泉山嘗受戒於僧智顛後祭
絕葷茹福及荆南神之依嚮釋氏亦無以異也雖

咸淳臨安志卷七十二

九

成

然碑板載神之事為多而恠誕不經適足以誣神
今特撫其可書者以信于天下後世云鮑豐記

祝文

去秋愆陽今夏少雨實憂災沴重困抗人居
易黍奉詔條愧無政術既逢愆序不敢寧居

一昨禱伍相神祈城隍祠靈雖應期雨未霑足是
用撰日祗事改請于神恭聞明神稟靈於陰祗資
善於釋氏聰明正直潔靖慈仁無幽不通有感必
應今請齋心虔告神其鑑之若四封之間五日之
內雨澤霑足稼穡滋稔敢不增修像設重薦馨香
歌舞鼓鐘備物以報如此則不獨人之福亦惟神
之光若寂寥自居盼蠶無應長吏虔誠而不答下
民顛望而不知坐觀田農使至枯悴如此則不獨
人之困亦惟神之羞惟神裁之敬
以俟命長慶二年七月白文公

嘉澤廟

在湧金門西井城下神姓李名泌字長源唐相國
鄴侯也德宗興元間守杭有風績郡地苦斥鹵民

日汲鹹水侯為鑿六井引西湖水入城中始得飲
清泉郡人德之為立祠 景定五年 勅以嘉澤
為額 咸淳五年安撫潛說友拓地重建

白文公祠

見西湖門三賢堂

顯應廟

在風篁嶺龍井衍慶寺側神姓胡名則婺之永康
人 天聖丙寅 明道癸酉嘗再守杭有惠政在
郡時獨無潮患以兵部侍郎致仕葬錢塘龍井山
中 建炎間方寇猖獗聚永康方巖山賊夜夢紫
袍金帶神人現赤幟于空中隨就勦滅 朝廷褒
嘉為建廟封顯靈侯自後累加封其龍井墳賜顯
應墓神之赫靈著於方巖此不悉載

昭貺廟

在候潮門外渾水閘東故司封郎官張夏祠也

會要

作工部
員外郎

夏雍丘人

景祐中為兩浙漕使江湖為

患故堤率用薪土潮水衝擊每繕修不過三歲輒
壞重勞民力夏始作石隄延袤十餘里人感其功
慶曆二年立祠隄上 嘉祐六年褒贈太常少卿
政和二年封寧江侯後改安濟公 賜昭貺廟額

紹興十二年以後累封至 慶元四年錫以王爵
又累封至今為靈濟顯佑威烈安順王 淳祐八

年重建廟

又有安濟廟在薦橋門外馬婆巷 宣和間建

蘇文忠公祠

見西湖門三賢堂

寓賢

許箕公由以下三十四賢祠

見西湖先賢堂

潘道遥祠

在潘閣巷即所居宅

咸淳臨安志卷之七十二

十一

成

咸淳臨安志卷之七十二





